


História eclesiástica Polon.

Teol. 4052

1709.

Clementis Papae XI: Constitutio, ut festum Concep-
tionis B. Mariae Virginis Immaculatae, de prae-
cepto ubique in posterum observetur.



SANCTISSIMI DOMINI NOSTRI DOMINI
CLEMENTIS DIVINA PROVIDENTIA PAPÆ XI.

Constitutio, ut Festum Conceptionis B. MARIE Virginis
Immaculatae, de præcepto ubique in posterum observetur.

CLEMENS PAPA XI.

AD PERPETVAM REI MEMORIAM.

Commisſi Nobis divinitus Sacro-Sancti Apoſtolatus Officij exigit ratio, ut Glori-
oſiſſimæ Virginis DEI Genitricis MARIE, Cujus Conceptio gaudium annuntia-
vit univerſo Mundo, venerationem, & cultum, plurimæ Romanorum Pontificum
Prædeceſſorum Noſtrorum more, ampliare ſtudentes in terris, illius, quæ ſuper Choros
Angelorum exaltata pro populo Chriſtiano Sedula Exoratrix apud eum, quem genuit, aſſi-
duè intercedit in Cœlis, potentiſſimam opem, in tot tantisque, quibus premimur Chriſtia-
næ Reipublicæ, & Catholicæ Eccleſiæ neceſſitatibus, quantum Nobis ex alto conceditur,
promereri jugiter ſatagamus. Sincerâ itaque Noſtrâ erga eamdem Auguſtiſſimam Cœli
Reginam, Patronam, & Advocatam Noſtram devotione incitati, Feſtum Conceptionis
ipſius Beatæ MARIE Virginis Immaculatae Ubique Terrarum in poſterum ab omnibus, &
ſingulis utriuſque Sexus Chriſti Fidelibus, ſicut alia Feſta de præcepto ſervari, & celebrari,
ac ſub præcepto obſervationis Feſtorum comprehendendi, Auctoritate Apoſtolicâ tenore præ-
ſentium decernimus, præcipimus, & mandamus. Non obſtantibus Conſtitutionibus, &
Ordinationibus Apoſtolicis, cæteriſque contrariis quibuſcumque. Volumus autem, ut
earundem præſentium Literarum tranſumptis, ſeu Exemplis etiam impreſſis, manu ali-
cujus Notarij Publici ſubſcriptis, & Sigillo Perſonæ in Eccleſiaſtica dignitate conſtitutæ mu-
nitis, eadem prorsus fides adhibeatur, quæ adhiberetur ipſis præſentibus, ſi forent exhibitæ
vel oſenſæ. Datum Romæ apud Sanctum Petrum, ſub Annulo Piſcatoris, diæ ſextâ De-
cembris, M. DCC. VIII. Pontificatus Noſtri Anno Octavo.

F. OLIVERIUS.

CASIMIRVS à Lubna LUBIENSKI,
DEI, & Apoſtolicæ Sedis gratiâ, EPISCOPVS Cheſmenſis, CANO-
NICVS, Sede Vacante Episcopatus Cracov. ac Ducatus Severienſis
Generalis ADMINISTRATOR, Perpetuus Commendatarius
BBAS Czervienſis.

Univerſo Clero tam ſeculari, quàm Regulari, ac Populo, per & intra Civitatem,
ac Diœceſim Cracoviensem, conſtituto, Nobis in Chriſto Dilecto Salutem in Do-
mino. Quò magis Honor & cultus Beata Virginis DEI Genitricis MARIE pro-
pagatur; eò magis in cordibus Fidelium exinde ſumpta creſcit, dilataturg, læticia. Pa-
enim eſt Fontem bonorum Noſtrorum, ex quo abundanter gratias haurimus, coronare
Nam ad Mariam omnis gratia confluxit, & per Mariam omnis gratia
cæteros defluxit; ita ut in illa, & per illam, & de illa, benigna manus Omn
rentis, quidquid creavit, recreavit. Ne igitur deſtituantur hac læticia, qu
Nominæ MARIE militant, Conſtitutionem præinſertam, ut Feſtum Conceptionis
MARIE Virginis Immaculatae, de præcepto ubiq, in poſterum obſervetur. Sanct
Domini Noſtri Domini CLEMENTIS Divinâ Providentiâ Papa XI. publicamus
ad notiitiâ omnium Chriſti Fidelium deducimus, & deduci volumus. In quorum
præſentes manu propriâ ſubſcriptas, ſigillo Noſtro communiri juſſimus. Datum
niov, Diæ vigeſimâ ſecundâ Menſis Martij, Anno Domini, 1709.

CASIMIRUS LUBIENSKI, Episcopus Cheſmenſis,
Sede Vacante Episcopatus Cracoviensis Generalis
ADMINISTRATOR.

mpp.

Locus ✠ Sigilli.

S. Bonav.
in Specul.
Cap. 6.
S. Bernar.
titul. de
Assumpt.



